

# Ikajuttigedluta sanginiKatsiaavugut.

## Ikajuttigedluta SanginiKatsiaKugut.

CP2005-000010

**Canada, Newfoundland, Labradorilu, amma Labrador Inuit katutjiKatigenninga Atittâgivot AngiKatigegutennik SakKititsigiamut Tongait KakKasuanginni SilakKijapvisamut Sapvatausimajumut**

**Nain, Newfoundland, Labradorimilu, Januara 21, 2005** – Nittunattuk Stéphane Dion, Aulatsijik Avatiliginimmut, Nittunattuk Danny Williams, AngajukKâsuak Newfoundland, Labradorimilu, Nittunattuk Tom Osborne, prâvinsimi Aulatsijik Avatiliginimmut amma NungotsituinnatailigiaKanimmut, amma William Andersen III, AngajukKâk Labrador Inuit katutjiKatigenningani (LIA), ullumi atittâgikKaujut maggonik angiKatigegutennik sakKititsigiamut Canadami 42-gilittanganik silakKijapvimik – ammalu sivullipaulagiujumik Labradorimi – pimmagittumik sakKititaulâttilugu siagugiangulippat tapvani jârimi.

Tainnalu Labradorimiut Inuit Nunamik Satusainnimut AngiKatigegutenga Nainimi ullumi atittâtauKataukKaujop, taikkua maggok angiKatigegutek kamatsiagutiunialittok akuninut paigijaugutitsanganik ammalu nungutautuinnatailigutitsanginnik iniKunadlatumi iniKajumi ilingattitaujumi taggami Labradorimi aujuittumi omajuKapvingani taitsumani Tongait KakKasuanginni SilakKijapvisautillugu Sapvatausimajumi Canadami. SakKititsiutigijaulâmmijok nutânik kenaujaliugutitsanik ammalu suliatsaKagiamut pivitsagijaugajattunik Inuit kenaujaliupvinginnut ammalu asingita inuit tamâni nunalinnejut.

“Ullumi angikAtigegutigijaukKaujutigut, paitsiutitsaKalikKugut  
adjikAngitumejumik Canadami angiggagijaujumik nanunnut, tuttnut  
ammalu adjikAngitunut unuttojunut nunatsuami inilinnut adlanut,  
taikkuningalu iniKunattulagiujunik ikâpvinik, KakKasuanillu,” uKalauttuk  
Aulatsijik Dion. “SakKititaunninga Tongait KakKasuanginni  
SilakKijapvisaugiamut Sapvatausimajuk Canadami  
kamatsiagutigijauniattuk tamanna iniKunadlatuk inigijanga  
piulimattaunginnagianganut ilusigijanga suKusittausimatinnagu  
ilingatillugu ilonnainut Canadamiunut atuttaugiamut aliagijaulluni.  
PivitsaKattisilâttuk pulâgiajunik piusigijaunginnangitumik piusiKagiamut  
Aujittumi nunagijaujuni avatigijanginilu.”

“Tâna silakKijapviulâttuk sakKititsilâttuk nutânik kenaujaliugutiKagiamut  
pivitsagijaugajattunik Labradorimiunut Inunnut amma Labradorimiut Inuit  
kenaujaliupvilinginnut,” uKalauttuk Nittunattuk R. John Efford, Aulatsijik  
Nunami Pivianattojunik. “Ilangujuk sivitunitsaujumi angikAtigegutimmi,  
ikajuttigegutimmilu pigunnatitsilâttumi ingiggasainatumik  
pivalliatitaugutiKatitsigiamut ammalu atuKattagiamut nunagijangita  
pivianattutanginnik, paiginginnalugu avatigijanga ammalu pitaKatitsiluta  
kenaujatiigut utittisipviugutitsanginnik Nunatsiavut kavamangata,  
Labradorimiut Inuit ammalu Labradorimiungujut.”

TukisiKatigennimut AngikAtigegutik ilingajuk SilakKijapvisaugiamut  
Sapvatausimajumut Tongait KakKasuanginni, atittâtausimajuk  
Aulatsijimut Dion kiggatudluni Canadamik ammalu AngajukKâsuak  
Williams amma Aulatsijik Osborne kiggatudlutik Newfoundland,  
Labradorimillu, pitaKajuk piusigijaugialinnik malittaugialinnilu kavamanga  
Newfoundland Labradoriullu angitugisimajangatut asianottaugitsigiamut  
aulataugutinginnik pitsatunigijausonillu nunannut sapvatausimajunut  
sakKititsiviugiamut silakKijapvisaugiamut sapvatausimajunik Canadamut.

“kavamanga Newfoundland, Labradoriullu piggosimallagittuk  
atittâgigiamut angikAtigegutimmik sakKititautitsilâttumik Tongait  
KakKasuanginni SilakKijapvisaugiamut Sapvatausimajumik,  
kamatsiagutigijausongutillugu paigijautitsigiamut amma  
nungutauttailititsigiamut tamânejunik piudlatunik attutausimangitunik  
omajulinnik,” uKalauttuk AngajukKâsuak Williams. Tainna  
SilakKijapvisaugiamut Sapvatausimajuk prâvinsimi piunippauKataulâttuk  
kenaujaliugutigijaugiamut niuggukataKattatutigut  
pivitsatâgijauKattatutigut ammalu Kaujimajautitsigiamut tamânejunik  
ilonnâni Canadami ammalu asinginni nunatsualinni. Tainna  
sapvatausimajuk sakKititsilâmmijuk kenaujaliugutitigut ikajuttaugutitsanik  
tamânejunut ammalu ikKanattulagiujunik piusititsivalliniKallutik

inoKatigegusinginnik, kenaujaliugutitsanginnilu Labradorimiut Inuit, asinginnilu Labradorimiungujunik.”

“Aittutaunik taimaittumik adjjungitullagimmik inigijaujumik aujuittumi omajulimmik kinakkutuinnanut tamâni prâvinsimejunut, kinakkutuinnanut Canadamiunut ammalu silatsuamejunut, sakKititauningagut Tongait KakKasuanginni SilakKijapviugiamut Sapvatausimajumik, ullusiugutigijaugiaKallagittuk,” uKalauttuk Aulatsijik Osborne. “Prâvinsik killigiudjiutiKasimajuk paigijaugutiKatitsigiamut ilinganiKaluattunik adjjungitunik sivullitinit nunamit pitâgisimajattinik. Tamakkua nunamit pitâgisimajavut sivullitinit ilangaujuk kinaunigijatta-piusituKattinik, piusigijattinik ammalu, sottaga atullagidlutik sivunitsatinut. Ilonnata pijugiutiKagiaKavugut kajusittitaukKaujunut ullumi.”

Tainna Labradorimiut Inuit SilakKijapvini SukkutaujuKagajappat ammalu Ikajuttaugutitsanut AngiKatigegutik, atittâtausimajuk Aulatsijimut Dion kiggatudluni Canadamik amma AngajukKâk Andersennimut kiggatudluni LIA-mik, kajusititsijuk ingiggasainatumik piKatigeKattagianginnut akungani SilakKijapviligijet taijaujut Parks Canada amma Labradorimiut Inuit. kamatsianiKajuk tainna silakKijapviugiamut sapvatausimajuk takutsautitsiniKajuk Inuit adjiKangitumik piKatigegusigijanganik nunamik ammalu nunamiutuit ilusigisonginnik avatini, ammalu pitaKadluni pigunnatitsijunik Inunnik atutsainasongugiamut ilusituKagijammitut nunannik ammalu pivianattutanginnik atusonguKattagiamut iluanejuni silakKijapviugiamut sapvatausimajop.

Tâanna angiKatigegutik, pikKujaugutigijausimajuk ilangautillugu Labradorimiut Inuit Nunamik Satusainnimut AngiKatigegutingani piusigijaujutigut, sakKititsimijuk tungavitsamik ikajuttigellutik aulatsiniKagianginnut silakKijapviugiamut sapvatausimajumik SilakKijapviligijinnut Canadami ammalu Inunnut.

“Tongait KakKasuanginni SilakKijapviugiamut Sapvatausimajuk nâmmasiattuk nalunaikkutagijaugiamut tâkkuningatsainak atunniuKattatuni illinattojuni songusititsivalligiamut ikajuttigegusittinik ilonnatinik CanadamiunguKatigengunnittinik,” uKalauttuk LIA AngajukKânga Andersen. “SakKititsisimalikKugut tamânetsainaniattumik ikKaumajaugutitsanganik ilonnaita Canadamiut, pivitsatâttausimadluta tatiKatigetsianikkut, atunit sulijutsaKatigetsianikkut ammalu tukisisimatsianikkut Labradorimiut Inuit illigijanginnik, ilusituKagijanginnilu. Sulijuk aittotiuninganik ilonnatinut.”

SakKititaunninga Tongait KakKasuanginni SilakKijapviugiamut Sapvatausimajuk Canadami pimmagiuKataujuk piusigijausimajunik pijagettaugutinginni Canadaup kavamangata tallimani jârini PiniannikKagiamut Pannaigutigisimajanginni PiulimatsiutigijaugiaKatillugu Canadaup Nunamit Sivulliminit Pitâgisimajanginnit. Atâgut pannaigutiup, SilakKijapviligijet Canadami amma kavamak sakKititsilâttut senanik nutânik silakKijapvisanik Canadami ammalu tallimanik nutânik imappimi nungotsitauinnatailigiamut paigijaupvisanik Canadami, ammalu angijuguttisigiallutik pingasunik sakKijâgettunik silakKijapvinik. Maggok nutâk silakKijapvek, taijaujuk Gulf Islands National Park Reserve of Canada (British Columbiami) amma Ukkusiksalik National Park of Canada (Nunavummi), sakKititausimalauttok 2003-mi.

NigiuttuKavuk tainna Tongait KakKasuanginni SilakKijapviugiamut Sapvatausimajuk Canadami pimmagittumik sakKititaulâttuk tainna federallet maligatsanga atuliaKittitautitsilâttuk Labradorimiut Inuit Nunamik Satusainnimut AngiKatigegutinganik atuliaKittitauppata.

**Kaujisapviusot:**

***Emma Orawiec***  
***Press Secretary***

***Kevin McNamee***  
***Director.....***

(Amma atuinnaumijut Kagitaujakkut uvani [www.pc.gc.ca](http://www.pc.gc.ca) atâgut **What's new.**)